

समां - 12:25 hrs.

<><><><><><>

### PM Rozgar

प्रधानमंत्री नरेन्द्र मोदी होरें 17में रोजगार मेले की वीडियो सनेह राए सम्बोधित कीता इस मौके पर सम्बोधित करदे होई उनें सब्भनें मेदवारें की शुभकामनां दितियां। उनें आखेया जे नौजवानें दा जजबा, उत्साह ते आत्म-विश्वास उनें की अगगे लेइयै औग। इसदे कन्नै जिसलै राष्ट्र सेवा दा जजबा जुड़ी जंदा ऐ तां तुंदी सफलता छड़ी तुंदी गें नैई रौहन्दी सगुआ एह सफलता देश दी सफलता बनी जंदी ऐ। उनें इस मौके अपने सम्बोधन च आखेया जे मुख्य विकसित भारत दा संकल्प लेइयै अगगे बदा रदा ऐ। एह मौका राष्ट्र सेवा च योगदान देने दा ऐ। रोजगार मेले युवाएं दे सुखने की साकार करने दा माध्यम बनेया ऐ। उनें मेद जाहिर कीती जे सारे नौजवान देश सेवा दी भावना कन्नै गै कम्म करगंन।

<><><><><><>

### RS Polling

राज्यसभा की 4 सीटें लेई जम्मू-कश्मीर च मतदान अज्ज होआ र दा ऐ। एह सीटों 2021 थवां खाली न, जेड़े मेदवार चुना मैदान च न उन्दे च भारतीय जनता पार्टी दे गुलाम मोहम्मद मीर, राकेश महाजन ते सत शर्मा शामिल न, जिसलै के नैशनल कांफ्रेंस नै चौधरी मोहम्मद रमज़ान, सज्जाद किचलु, शम्मी Oberoi ते Imran नबी डार की अपना मेदवार बनाया ऐ। इनें चुनाएं च सीद्दा मुकाबला नैशनल कांफ्रेंस ते बी.जे.पी. बश्कार ऐ।

इन्ने चुनाएं दी घोषणा पिच्छले महीने चुना आयोग आस्सेया कीती गई ही। मतदान सम्पन्न होने मगरा वोटें दी गिनतरी आहला कम्म कीता जाग।

<><><><><><>

### **Nomination Withdrawal**

नगरोटा ते बडगाम विधान सभा हलके लेई होने आहले नामांकन पत्रे गी वापस परताने दा अज्ज खीरी दिन ऐ। चुनां अधिकारी मूजब कागज-पत्रे दी जांच आहला कम्म पैहले सोयां गै होई गेदा ऐ। कुल भरे गेदे 33 नामजदगिये चां 27 मेदवारें दे काजग-पत्र सेई पाए गे, जिंदे चा 10 नगरोटा सीट लेई हे ते 17 बडगाम हलके लेई। इन्ने सीटें लेई मतदान 11 नवम्बर गी होग ते वोटें दी गिनतरी आहला कम्म 14 नवम्बर गी कीता जाग।

<><><><><><>

### **Color Coded Zones**

त्रंऊ पेड़यें आहले इलैक्ट्रानिक गड्डियें जियां के इ-रिक्खा ते ऑटो आस्तै जम्मू जिले च वीरवार गी इक नमीं प्रणाली शुरु होई गई ऐ, जेड़ी ट्रैफिक पुलिस, जम्मू नै शुरु कीती ऐ। इस नमीं प्रणाली दे मताबक एह गड्डियां निर्धारित रंग कोड क्षेत्रें दे मुताबक चलगंन। हर इक्क त्रंऊ पेड़यें आहली गड्डी दे उप्पर अगगे ते पिच्छे पंछान आस्तै बक्ख-बक्ख रंगें दी प्लेटां लाइयां जागंन। एह गड्डियां छड़ी अपने-अपने निर्धारित क्षेत्रें च गै चलगंन ते जिस गड्डी उप्पर कोड नई लग्गे दा होग, उसी जुर्माना किता जाग। इस प्रणाली कन्नै इन्ने गड्डियें दी आओ-जाई फलाई-ओवरें ते जरनैली सिड़कें उप्पर घट्ट होई जाग ते एहदे कन्नै ट्रैफिक दा प्रबंधन बेहतर करने च मदद होग।



## GOC Visit

वाईट नाईट कोर दे GOC लैफ्टिनेंट जनरल पी.के. मिश्रा होरें उधमपुर जिले दी बसंतगढ़ आहले पहाड़ी इलाके दा दौरा लाया ते खिते दी सुरक्षा बवस्था दा जायजा लैता। अपने दौरें दौरान उ'नें बलें कन्नै गल्लबात कीती ते अपनी डियूटी गी पूरी तनदेई ते निष्ठा कन्नै निभाने आस्तै उंदी सिफत कीती। इ'स दौरान Delta फोर्स दे GoC होर बी उन्दे कन्नै मौजूद हे। उ'नें बलें गी सौहगा स्तर्क रौहने अति आधुनिक रणनीतिएं दी अमलावरी ते पेशेवराना मानक बनाई रखने लेई आखेया। इस्सै दौरान एस.एस.पी. कठुआ मोहिता शर्मा होरें बिलावर, रामकोट, ननगाला ते Machedi इलाके दा दौरा लाया ते सुरक्षा स्थिति दा जायजा लैता। उ'नें सारें अफसरें गी हिदायत कीती जे ओहू पूरी चाल्ली सौहगे ते स्तर्क रौहन तां जे राष्ट्र विरोधी कुसै बी घटना गी रोकेया जाई सकै।



## PM MKB

प्रधानमंत्री नरेंद्र मोदी होर औंदी 26 अक्टूबर गी अपने रेडियो कार्यक्रम **मन की बात** दे राएं देश-बदेश च रौहने आहले श्रोताएं कन्नै अपने बचार सांझे करडन। हर महीने दे खीरले ऐतवारें दिनें 11 बजे प्रसारित होने आहले इस कार्यक्रम दी एहू 127मीं किश्त होग, इस कार्यक्रम जेहदे च शामिल करने लेई लोक अपने बचार ते सुझास टोल फ्री नंबर 1800-11-7800 पर भेजी सकदे न। एहदे अलावा लोक अपने बचार नरेंद्र मोदी ऐप जां माई गोव

ओपन फोरम पर ऑनलाइन बी भेजी सकदे न। सुझास भेजने दी खीरी तरीक अज्ज यानि 24 अक्टूबर रक्खी गेदी ऐ। हासल सुझाएं चा ताले गेदे किश बचारें ते सुझाएं गी इस कार्यक्रम च शामिल कीता जाई सकदा ऐ। इस कार्यक्रम गी आकाशवाणी ते दूरदर्शन दे समूलचे नैटवर्क पर प्रसारित कीता जाग। एह कार्यक्रम आकाशवाणी समाचार दी वैबसाईट newsonairmobile ऐप्प पर बी प्रसारित कीता जाग। इसदे कन्नो-कन्नी एह प्रोग्राम आकाशवाणी समाचार, DD News, प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग।

<><><><><><>

#### CS TB Mukht

मुख्य सचिव अटल डुल्लु होरें टी.बी. मुक्त अभियान च प्रगति लेई सेहत ते चिकित्सक शिक्षा विभाग राएं कीते वादे-हीलें दा जायजा लैने आस्तै इक उच्चे स्तर दी बैठक रखी। टी.बी. मुक्त अभियान दा मकसद जम्मू-कश्मीर गी पूरी चाली टी.बी. दे रोग कोला मुक्त करना ऐ। जम्मू-कश्मीर च टी.बी. दी वर्तमान स्थिति दा जाजया लैंदे होई मुख्य सचिव होरें एहदे मरीजें दी समें-सिर जांच करने उप्पर जोर भरेया तां जे उंदी सेहत पूरी चाल्ली ठीक रवै। उ'नें सेहत सरबन्धी माहिरें गी मरीजें दी जांच करने आस्तै आखेया ते हर इक्क मरीज दी व्यक्तिगत तौर उप्पर चिकित्सक मदाद करने लेई प्रेरित किता। उ'नें सेहत माहिरें गी मरीजें कन्नै तालमेल बनाई रखने आस्तै बी गलाया तां जे उन्दी सेहत च सुधार दा पता लग्गी सकै।

<><><><><><>